

**Ala xa masenyi firin nde  
Annabi Pɔlu naxan sebe  
Tesaloniki danxaniyatɔe  
ɲama ma  
Masenyi nde yi Kitaabui xa  
fe ra**

Yi Kitaabui findixi bataaxe firin nde nan na Ala xa xɛɛra Pɔlu nun a walibooree naxan sebe danxaniyatɔe ɲama ma naxee nu sabatixi Tesaloniki. Fe naxee nu dangife Tesaloniki Pɔlu bataaxe singe sebe tɛmɛi, nee to mu nu gɛxi ya ibade, Pɔlu naxa gbilen bataaxe firin nde sebe ra.

Mixi kobi naxee nu na Tesaloniki danxaniyatɔee ɲaxankatafe, e mu nu ɲaxankate itixi. Na kui, Pɔlu naxa gbilen danxaniyatɔe ɲama ralimaniya ra a xa yi bataaxe firin nde kui. A naxa e rasi e xa e tunnaɓɛxi danxaniya kira xɔn ma, e naxa tagan wali fanyi rabade, e xa bira Ala xa nɔndi fɔxɔ ra alɔ Pɔlu e kawandi ki naxe. Pɔlu nu bara a mɛ, a mixi ndee nu na e ya ma naxee mu nu tinma walide alako e xa e yete baloe soto. Na kui, a naxa na kanyie rasi a xɔrɔxɔe ra e xa ba na ma, e naxa e xa kɔntɔfili dɔxɔ mixi gbete yo xun ma. Pɔlu man nu bara a mɛ a Tesaloniki danxaniyatɔee nu bara xibaaru soto mixi nde ra, a Marigi fa lɔxɔe ɲan nu bara a li. Na kui, a naxa nɔndi makenɛn e be na fe ma, a Marigi xa lɔxɔe mu a lima fo fe ndee raba sinden Ala naxee ragirixi.

Yi Kitaabui findixi masenyi nan na Ala Xaxili Seniyenxi naxan fi Pɔlu ma Tesaloniki danxaniyatɔɛ nun danxaniyatɔɛ birin bɛ. Ala xa won mali yi masenyi xa so won xaxili kui, won xa a rasabati won bɔɲɛ kui. Ala xa sɛnbɛ fi won ma, won ma wali nun wɔyɛnyi birin xa findi a fanyi nan na. Ala xa won sondonyie xun ti kira fanyi xɔn, won xa won ɲɛɛ Ala xa xanunteya ma nun a xa Mixi Sugandixi xa tun nabɛxiya ma. Ala xa won mali won sanyie xa xan danxaniya kui. Amina.

## **Ala xa masenyi firin nde Annabi Pɔlu naxan sɛbɛ Tesaloniki danxaniyatɔɛ ɲama ma**

### *Xɛɛbui*

<sup>1</sup> Pɔlu, Silifanu, nun Timote nan yi ki, katarabi won Baba Ala nun Marigi Isa Ala xa Mixi Sugandixi xa danxaniyatɔɛ ɲama ma naxee na Tesaloniki.

<sup>2</sup> Won Baba Ala nun a xa Mixi Sugandixi Marigi Isa xa hinne nun bɔɲɛsa fi wo ma.

### *Ala dunija birin makiitife tinxinyi kui*

<sup>3</sup> N ngaxakerenyie, muxu lanma muxu xa Ala tantu wo xa fe ra temui birin. Muxu xa tantui lanxi barima wo xa danxaniya xun masafe ki fanyi, a nun wo xa xanunteya wo bore bɛ. <sup>4</sup> Na kui, muxu wo matɔxɔma Ala xa danxaniyatɔɛ ɲamae bɛ wo xa tun nabɛxiya nun danxaniya xa

fe ra wo naxee masenfe wo xa paxankate nun toore birin kui.

<sup>5</sup> Na bara Ala xa kiiti tinxinxi masen, barima wo na naxan iminife, na nan a masenma a wo daxa wo xa lu Ala xa mangeya niini bun ma, wo toorofo naxan xa fe ra. <sup>6</sup> Ala tinxin. Mixi naxee wo paxankatama, a e sare fima paxankate nan na. <sup>7</sup> Wo tan naxee bara paxankata, a malabui fima ne won birin ma Marigi Isa a nun a xa maleke senbemaefama temui naxe kelife koore ma. <sup>8</sup> E nun te wolenxi nan goroma. Ala kolontaree, naxee mu won Marigi Isa xa masenyi rabatuma, e sare fima paxankate nan na. <sup>9</sup> Na mixie xa kiiti findima gbaloe nan na dande yo mu naxan ma. Marigi e makuyama ne a yete ra nun a senbe noroxi ra <sup>10</sup> a na fa temui naxe. Na loxoce a xa seniyentoe nun a mantonyie birin a toma ne, e kaaba, e a matoxo. Wo fan luma ne nee ya ma, barima wo danxaniya ne muxu xa seedejoxoya ma.

<sup>11</sup> Na kui, muxu Ala maxandima wo be temui birin, alako won Marigi Ala xa wo lu alo a mixi naxan xilixi na daxa ki naxe. Muxu man a maxandima a xa wo xa janige fanyi birin nakamali a nun wo xa wali fanyi naxee kelima wo xa danxaniya ma. Na rabama a senbe nan saabui ra. <sup>12</sup> Muxu na maxandi tima alako Marigi Isa xa matoxoce soto wo saabui ra, wo fan xa matoxoce soto Isa ra. Yi birin nabama Ala nun a xa Mixi Sugandixi Marigi Isa xa hinne saabui nan na.

## 2

*Xeme seriyetare*

<sup>1</sup> N ngaxakerenyie, muxu bara wo mayandi wo boɓɓe naxa mini wo to fee mema won Marigi Isa fa loxoɓe xa fe ra, a nun won fama a ralande ki naxe. <sup>2</sup> Xa mixi nde a fala wo be a Marigi xa loxoɓe jan bara fa, wo xaxili naxa ifu de! Wo naxa la a ra hali na kanyi woɓɓen wo be alo namijonme na a ra, xa na mu a kawandi ti wo be, xa na mu a fa bataaxe ra alo a fatanxi muxu tan nan na. <sup>3</sup> Wo naxa a lu mixi yo xa wo madaxu. Na loxoɓe mu a lima fo adamadi gbegbe mee Ala ra sinden, a nun, Seriyetare Xungbe, a naxa makenen, gbaloe ragataxi naxan be. <sup>4</sup> A fama ne a yete itede dangi adamadie xa batuse birin na. Adamadie sese xili falama «ala», a tan tima ne na kanke. Na kui, a fama ne doxoɓe Ala xa hɔɔmɔbanxi kui, a a yete findi ala ra. <sup>5</sup> N to yi fee fala wo be n nu na wo yire temui naxe, wo neemuxi ne? <sup>6</sup> Yakɔsi wo a kolon naxan makankanxi Seriyetare Xungbe ma, alako a naxa mini beenun a xa waxati xa a li. <sup>7</sup> Seriyetareya jan na walife noxunyi kui. A luma na ki ne han naxan a makankanxi a a bama naa temui naxe. <sup>8</sup> Na temui, Seriyetare Xungbe makenenma ne. Marigi na fa temui naxe, a yi xeme halakima ne a de foye ra, a xa fa noɔre a sontoma ne. <sup>9</sup> Yi Seriyetare Xungbe minima Sentane senbe nan saabui ra, a fa kaabanakoe, tonxumae, nun fe magaaxuxie raba naxee mu findixi nondi ra. <sup>10</sup> A fama ne mixi kisitaree mayendende fe jaaxi mooli birin na, barima nondi mu rafan nee ma. Na na a ra e mu kisima. <sup>11</sup> Na kui, Ala e xaxili ifuma ne senbe ra, alako e xa la wule ra. <sup>12</sup> A rabama na ki ne alako mixi birin xa gbaloe soɓo naxee mu danxaniyaxi nondi ma, tinxintareya rafanxi naxee ma.

*Ala xa xanunteya nun a xa kisi danxaniyatɔεε  
βε*

<sup>13</sup> Kɔnɔ n ngaxakerenyie, fo muxu xa Ala tantu wo xa fe ra temui birin. Marigi wo xanuxi nε. Kabi fe fɔlɔ fɔλε, Ala bara wo sugandi alako wo xa kisi. A wo rakisima a Xaxili Seniyenxi xa wali nan saabui ra naxan wo raseniyenma, a nun wo xa danxaniya saabui ra wo to danxaniyaxi nɔndi ma. <sup>14</sup> A wo xilixi na nan ma. A wo xilixi muxu xa xibaaru fanyi xa kawandi nan saabui ra alako wo xa xunnakeli sɔtɔ naxan kelima Ala xa Mixi Sugandixi ma, won Marigi Isa. <sup>15</sup> Na kui, n ngaxakerenyie, wo sanyie xa xan danxaniya kui. Muxu wo xaran naxan na muxu xa kawandi nun bataaxe saabui ra, wo xa na suxu gben.

<sup>16</sup> Won Marigi Isa yete yati, naxan findixi Ala xa Mixi Sugandixi ra, nun won Baba Ala, naxan bara won xanu, naxan hinnema won na alako limaniya nun xaxili tide naxa ba won yi ra abadan, <sup>17</sup> e xa wo sondonyie ralimaniya. E man xa senβε fi wo ma, wo xa wali nun wɔyenyi birin xa findi a fanyi ra.

### 3

*Ala maxandife*

<sup>1</sup> N ngaxakerenyie, a dɔnxɔε ra, wo Ala maxandi muxu βε alako Marigi xa masenyi xa yensen ye mafuren na, a man xa binya yire birin alɔ a binyaxi wo xɔnyi ki naxe. <sup>2</sup> Wo Ala maxandi muxu man xa ba mixi kobie nun mixi jaaxie βελεξε, barima mixi birin xa mu danxaniyaxi. <sup>3</sup> Kɔnɔ Ala na a xui xanbi ra. A senβε fima nε wo ma, a wo ratanga Sentane ma. <sup>4</sup> Muxu laxi a

ra Marigi saabui ra, a muxu yaamari naxee fixi wo ma, wo e rabatuma ne alo wo pan na rabafe ki naxe. <sup>5</sup> Marigi xa wo sondonyie xun ti kira fanyi xon alako wo xa Ala xanu, wo man xa wo tunnabexi alo Ala xa Mixi Sugandixi a rabaxi ki naxe.

### *Tunnaxonee rasife*

<sup>6</sup> N ngaxakerenyie, muxu bara wo yamari won Marigi Isa Ala xa Mixi Sugandixi xili ra wo xa wo makuya danxaniyatose ra naxee findixi tunnaxonee ra. Na kui, e mu jerefe muxu xa masenyi ma muxu fa naxan na wo xon. <sup>7</sup> Wo a kolon yati wo lanma wo xa muxu foxi raba ki naxe. Muxu to nu na wo ya ma muxu mu findi tunnaxonee xa ra, <sup>8</sup> muxu man mu mixi yo xa bande don a fa lu muxu mu a sare fi. Muxu wakili ne koe nun yanyi ra, alako muxu xa fe naxa findi kote ra wo sese be. <sup>9</sup> Muxu nu noma muxu xa kontofili sade wo ya i, konon muxu mu tin na ra alako muxu xa findi misaali ra wo be, wo fan xa muxu foxi raba. <sup>10</sup> Muxu nu na wo ya ma temui naxe, muxu yi yaamari nan fi wo ma: «Naxan yo mu tinma walide, hali wo mu na kanyi ki bande.» <sup>11</sup> Muxu bara a me a mixi ndee wo ya ma e bara e yete findi tunnaxonee ra. E mu wali yo suxuma bafe naafixiya ra. <sup>12</sup> Muxu bara na mixie yamari, muxu e rasi Ala xa Mixi Sugandixi won Marigi Isa xili ra, e xa wali bojesa kui alako e xa no e yete balode.

<sup>13</sup> N ngaxakerenyie, wo naxa tagan fe fanyi rabafe ma. <sup>14</sup> Wo a mato a fanyi ra, xa mixi nde mu tin muxu xa masenyi danxunde muxu naxan sebexi yi bataaxe kui, defanyi naxa lu wo

nun na kanyi tagi alako a xa yaagi. <sup>15</sup> Wo naxa a findi wo yaxui ra de, kɔnɔ wo xa a rasi alo wo ngaxakerenyi.

*Xɛɛbui dɔnxɔɛ*

<sup>16</sup> N bara Marigi maxandi naxan findixi bɔɲɛsa kanyi ra, a tan yete yati xa bɔɲɛsa fi wo ma tɛmɔi birin nun a mɔɔli birin na. Marigi xa lu wo birin sɛɛti ma.

<sup>17</sup> N tan Pɔlu nan yi xɛɛbui sɛbefe n yete bɛlɛxɛ ra. N ma bataaxɛ birin matɔnxumaxi yi ki nɛ. N bɛlɛxɛ fɔxi nan ya.

<sup>18</sup> Won Marigi Isa, Ala xa Mixi Sugandixi, a xa hinne xa lu wo birin bɛ.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 11 Nov 2022 from source  
files dated 29 Jan 2022

f1d08866-ea3e-5b9b-b506-e7690c5c61d2